

ATZIONE “GIOVANI VISPI”

BANDU PRO SU CUNFERIMENTU DE VOUCHER PRO CHIE FAGHET ISPORT

* * * * *

DATOS DE IMPORTU MANNU

- Totale massimu de su voucher 250,00 èuros
- Si podet fàghere sa rechesta intro a su 13 de su mese de freàrgiu de su 2023
- Sa dimanda si podet imbiare solu cun sa Pec o cun sa racumandada a/r.
- Si podet cramare solu pro àere àteras informatziones.

* * * * *

1. Descritzione e obietivu de s'interventu

Cun sa Deliberatzione de sa Giunta Regionale de sa Regione Autònoma de sa Sardigna n.23/11 de su 21 de su mese de Triulas de su 2022 e cun s'acordu de sa RAS e su Dipartimentu de sas Políticas pro so Giòvanos de sa Presidèntzia de su Consìgiu de sos Ministros, e cun s'acordu de sa RAS e su CONI C.R. Sardigna de su 15 de su mese de nadale de su 2022, su C.R. Sardigna de su CONI devet atuare s'atzione “Giovani VISPI (Voucher Iscrizione Isport pro s'Inclusione)” pro dare sos voucher pro s'iscrizione e sa frequèntzia a sos cursos isportivos pro sos giòvanos chi istant in Sardigna segundu sos tèrmines e sos lìmities chi bi sunt in sos artìculos de custu Bandu.

2. Resursas disponibles

Sas resursas finantiàrias pro dare sos voucher pro s'Atzione “Giovani VISPI” dae sa Regione Autònoma de sa Sardigna e dae su Fundu Natzionale de sas Políticas pro sos Giòvanos de s'Istadu Italianu sunt de 762.477,12 èuros.

3. Retzidores e rechisidos

a) Sunt destinatàrios de sos interventos sos giòvanos chi, cando faghent sa rechesta ant:

- una edade chi andat dae sos 14 a sos 19 annos;
- sa residèntzia in unu Comune de sa Sardigna cun sa popolazione prus bassa de 30.000 abitanes;
- su rèdditu ISEE de sa famiglia prus bassu de 12.000 èuro;

b) Si in una famiglia b'at prus giòvanos chi ant sos rechisidos de su puntu a), podent fàghere sa dimanda massimu duos pro ogni famiglia. Si b'at àteros giòvanos chi ant sos rechisidos podent èssere postos in sa graduatòria de sos idòneos non beneficiàrios, chi s'at a abbaidare si non s'ant a dare totus sas resursas disponibles cun sa graduatòria de sos idòneos beneficiàrios.

4. Entidade e destinazione de su voucher

- a) Su voucher est pro dare sa possibilidade a su beneficiariu de fàghere isport diletantisticu pro mèdiu de sa cobertura de sos custos de iscrizione e de sa frequèntzia finas a arribare a su totale de 250,00 èuros pro ogni beneficiariu.
- b) S'atividade isportiva diletantistica devet èssere fata solu in sas Sotziedades Isportivas o in sos Assòtzios Isportivos diletantísticos ligadas a manera regolare a sas Federatziones Isportivas Natzionales (FSN), a sas Disciplinas Isportivas Assotziadas (DSA) o a sos Entes de Promozione Isportiva (EPS) reconnotos dae su Comitadu Olìmpicu Natzionale Italianu (CONI) e dae su Comitadu Italianu Paralìmpicu (CIP).

5. Comente si faghet sa dimanda

Sa dimanda pro partetzipare, fata cunforma a su modellu allegadu a custu Bandu, devet èssere compilada a manera obligatòria in totus sas partes, e imbiada segundu sas modalidades chi sèberat su babbu o sa mama de su giòvanu o chi sèberat isse si at giai 18 annos, annanghende a manera curreta s'ISEE vàlidu e sos documentos de identidade: totu custu devet arribare a su CONI C.R. Sardigna intro e non ultres sas 23:59 de su 13 de su mese de freàrgiu de su 2023 cun custas modalidades:

- Cun una racumandada a/r serrada e cun iscritu in fora s'indicatzione "Bando Giovani VISPI" a sa sede de su CONI - Comitadu Regionale Sardigna cun s'indiritzu: CONI – C.R. Sardegna, Viale Bonaria n. 66, 09125 – Cagliari;

O puru

- Imbiende a manera telemàtica sa dimanda in PDF a s'indiritzu Pec: sardegna@cert.coni.it

Sos interessados divent imbiare sa dimanda intro a sos tempos. Ant a èssere leadas a cunsideru solu sas dimandas arribadas a su CONI intro a s'iscadèntzia; ultres a custa non si podent fàghere àteras dimandas, fintzas si sunt istadas imbiadas intro s'iscadèntzia, cheret nàrrere fintzas si sunt sostitutivas de cussas imbiadas in su tempus giustu.

6. Comente sunt fatas sas graduatòrias

Arribados sos tèrmines pro imbiare sas dimandas postas in s'artìculu in subra, su CONI C.R. Sardigna at a fàghere sas graduatòrias de sos idòneos beneficiariis e de sos idòneos non beneficiariis

Pro arribare a s'obietivu de fàghere custas graduatòrias, e pro partzire sas resursas ligadas a s'art.2 intra a sos chi ant fatu sa dimanda de partetzipatzione a custu Bandu a manera regolare, s'at a protzedere, respetende sas dispositziones de sa Deliberatzione de sa G.R. n.23/11 de su 21 de su mese de trìulas de su 2022, a determinare sas summas de dare a ognunu sighende custos crìterios:

- a. Dae su rèdditu ISEE prus bassu a cussu prus artu;
- b. In su casu de duos rèdditos ISEE pretzisos, sa prioridade at a èssere dada a sa familia cun prus pessones, ma chi ant sos rechisidos postos in s'art.3;
- c. In su casu chi su nùmeru de sos familiares siat pretzisu, cun sos matessi rechisidos postos in su

puntu b), sa prioridade est de sos giòvanos prus minores (edade contada in dies). Si b'at una rechesta de contributu pro prus persones in sa matessi famiglia, s'at a cunsiderare sa summa de sas edades espressadas in dies pro sos giòvanos candidados a su contributu e si ponent in sa graduatòria sos candidados dae su prus minore a su prus mannu.

7. Pubblicazione de sas graduatòrias

Una borta chi sunt istadas fatas sas graduatòrias segundu sos crìterios de s'art.6, custas ant a èssere publicadas in su situ internet de su CONI C.R. Sardigna.

Est cussizadu, duncas, a sos chi ant fatu sa dimanda, de abbaidare su situ de su Comitadu Regionale de su CONI <https://sardegna.coni.it> pro ite no at a èssere imbiada peruna comunicatzione s'ingula a sos partetzipantes.

Sas opositziones podent èssere fatas sighende sas modalidades chi bi sunt in s'art.5 intro a 10 dies dae sa publicatzione: dae custa die, sas graduatòrias podent èssere cunsideradas definitivas.

8. Verificas e controllos

Su CONI C.R. Sardigna at a pòdere verificare sas dimandas presentadas dae sos interessados, pro bìdere si cussu chi est istadu iscritu est beru. Si in sos controllos e in sas verificas fatas nd'essit carchi cosa chi no est crara o puru non bera in base a sas decraratziones a sos sensos de su D.P.R. nùmeru 445/2000 e ss.mm.ii. o puru si non bi sunt totus sos documentos netzessàrios, su chi at fatu sa rechesta, lende-si sa responsabilidade de cussu chi at decradadu, at a pèrdere sa possibilitade de su benefitziu e at a èssere escludidu dae sa protzedura e dae sa graduatòria finas si est giai fata.

9. Erogozione de sos voucher

Una borta chi sunt finidas sas operatziones ligadas a s'art.7 e, duncas, una borta chi sunt istados individuados sos benefitziàrios idòneos, sas Sotziedades isportivas e sos Assòtzios isportivos diletantísticos seberados dae sos idòneos benefitziàrios pro fàghere s'isport seberadu, sos idòneos divent imbiare intro a 15 dies a su CONI C.R. Sardigna cun sas matessi maneras de s'art.5 un'iscritura privada de impignu chi serbit a garantire chi at a fàghere cussa atividade isportiva reconnoschende un'iscontu finas a 250 èuros pro s'iscrittione e sa frequèntzia.

Custa iscritura privada, chi si faghet in base a su modellu allegadu a custu Bandu, devet èssere sutascrita siat dae su legale rapresentante de su Sòtziu isportivu o A.S.D., siat dae su babbu o sa mama o puru, si sa pessone chi at fatu sa dimanda at 18 annos.

Su sòtziu isportivu/ASD s'impignat a praticare a su giòvanu benefitziàriu a su màssimu sas matessi tarifas chi sunt aplicadas a sos àteros giòvanos isportivos chi sunt iscritos in sa matessi sotziedade, e in s'iscritura divent pònnere su valore de s'iscontu fatu e sos òneres de iscritzione e de frequèntzia de iscontare. In su matessi tempus, sa persone chi at sa potestade devet atzetare su contributu in forma de iscontu in s'iscrittione e in sas cuotas de frequèntzia.

Posca de àere retzidu s'iscritura a manera privada, su CONI C.R. Sardigna at a fàghere ischire su valore de su reconnoschidu a manera diretta a sa Sotziedade Isportiva/ASD seberada, solu cun bonificu bancàriu a favore de su c/c intestadu a sa matessi Sotziedade/ASD.

10. Informatziones

Pro ischire àteras informatziones de su Bandu si podet intrare in su situ internet sardegna@coni.it

11. Responsàbile de su protzedimentu

Su Responsàbile de su protzedimentu est su Presidente de su CONI C.R. Sardigna.

12. Informativa de su tratamentu de sos datos personales

Sa RAS, cun sede legale in Casteddu, viale Trento 69, Còdighe Fiscale e P.IVA 80002870923, rapresentada a manera legale dae su Presidente de sa Giunta Regionale pro tempore, cun sa funtzione de titolare de su tratamentu pro su tràmite de su Direttore Generale pro tempore, delegadu de su Titolare pro su tratamentu de sos datos relativos a sos protzedimentos incarrigados a sa Direzione Generale de sa Pùblica Istruzione, a sos sensos de su Decretu Presidentziale n.48 de su 23 de su mese de maju de su 2018, informant a sos sensos de s'art.13 e 14 Regulamentu UE n.2016/679 (e posca, "GDPR") chi sos datos ant a èssere tratados cun sas modalidades e pro sos fines narados posca.

Ogetu de su Tratamentu

Su Titolare tratat sos datos personales e/o identificativos (nùmene, sambenadu, indiritzu, telèfono, e-mail, giassu de sa pec, coordinadas bancàrias e de pagamentu, decraratzione ISEE, còdighe fiscale, documentos de identidade e totus sos àteros datos de sos beneficiariis candidados idòneos a su contributu e de sos sugetos chi ant sa potestade e cussos de sos legales rapresentantes de sas sotziedades isportivas o assòtzios isportivos interessados a s'interventu), pro sas assignatziones de sos voucher e in su cuntestu de sa gestione de custu protzedimentu de su CONI e de sa REGIONE, pro cantu pertocat "datos personales" o àteros "datos".

Finalidade e base giuridica de su tratamentu

Sos datos personales sunt tratados a sos sensos de s'art.6 litera e) de su GDPR pro ite su tratamentu serbit pro fàghere unu còmputu de interesse pùblicu o ligadu a sas funtziones de sos poderios pùblicos e chi at fintzas su titolare de su tratamentu e duncas no est netzessàriu àere su cunsensu de sos interessados. Sos riferimentos normativos de sa protzedura sunt postos in sa setzione de s'avisu, chi est gestidu dae su CONI e chi at fintzas custas informatziones.

Su tratamentu at a èssere fatu sighende custas finalidades: gestione de sas protzeduras relativas a s'avisu pùblicu, predispositzione e publicatzione de sas graduatòrias, gestione de su contributu e de s'assignatzione sua, de su controllu, de sas atividades de àudit, rendicontatzione.

Modalidade de su tratamentu

Su tratamentu de sos datos personales est fatu in base a sas operatziones indicadas in s'art.4 n.2 de su GDPR e a manera pretzisa: sa regorta, sa registratzione, s'organizatzione, s'istrutura, sa cunservatzione, s'adatamentu o puru sa modificatzione, s'estratzione, sa consultatzione, s'impitu, sa comunicatzione tràmite sa trasmissione, sa difusione o cale si siat àtera forma de posta a dispositzione, sa cumparatzione o s'intre-connessione, sos limites, sa cantzelladura o sa distrutzione.

Sos datos personales siat de pabiru, siat eletrònicu e/o automatizadu sunt sutapostos a su tratamentu e ant a èssere postos in s'archìviu de sa Direzione Generale de s'Assessoradu de sa Pùblica Istruzione, Benes Culturales, Informatzione, Ispetàculu e Isport cun riferimentu a s'obietivu de su protzedimentu de assignatzione de sos voucher. Su Titolare at a trattare sos datos personales pro unu perìodu de 10 annos chi comintzant dae sa data de congruida de s'interventu e in una manera chi permitit de identificare sas persones interessadas solu pro su perìodu netzessàriu a arribare a sas finalidades in ue sos datos sunt rilevados o puru tratados.

Pro su chi atenet, imbetzes, a su tratamentu de sos datos pro los archiviare in s'interesse pùblicu, de chirca iscientifica o istòrica o cun obietivos istatísticos, a sos datos est aplicadu s'art.89 de su GDPR, e, in ue est possibile sena creare problemas a custas finalidades, ant a èssere introduidas medidas tècnicas e organizzativas pro garantire su printzìpiu de sa minimizatzione de sos datos.

Atzessu a sos datos

Sos datos si podent bidere pro sas finalidades de assignatzione de sos voucher e pro sa rendicontatzione a sos dipendenti e pro sos collaboradores de su Titolare o de àteros Responsàbiles esternos de su tratamentu, in sa funtzione issoro de autorizados a su tratamentu e/o de amministradores de su sistema.

Comunicatzione de sos datos

Su Titolare podet comunicare sos datos pro sas finalidades de assignatzione de sos voucher e sa rendicontatzione a àteras partizioni amministrativas de sa Regione Autònoma de sa Sardigna, chi sunt s'Autoridade de Gestione de sos fundos, sos Ufitzios prepostos a sos controllos de I livellu, sos Ufitzios prepostos a atividades de Àudit, sos Ufitzios prepostos a sas atividades de gestione contàbile e de bilàntziu etc. e duncas a cussos suetos, fintzas esternos a sa Regione, in ue sa comunicatzione est obligatòria pro lege o b'at un'autorizzazione dislindada dae su Titolare pro fàghere su tratamentu pro custas finalidades.

Trasferimentu de sos datos

Sos datos personales sunt mantesos in su server de sa Regione Autònoma de sa Sardigna e in s'archiviu de pabiru, in cussos de s'Unione Europea o in sos server de su Coni.

Natura de su cunferimentu de sos datos e cunsighèntzias si non si rispondet.

Su cunferimentu de sos datos personales est obligatòriu pro ite serbit pro sas atividades connessas a su protzedimentu e pro s'eventuale opposizione o rechesta de eliminatzione de s'interessadu non dat sa possibilitade de partetzipare o sighire cun sa protzedura.

Deretos de s'interessadu

Sos interessati ant sos deretos postos in s'art.15 de su GDPR e a manera pretzisa:

- de otènnere sa cunfirma de s'esistèntzia de sos datos personales issoro, fintzas si non sunt galu registrados, e sa comunicatzione issoro est in forma atzessibile;
- de otènnere s'indicatzione:
 - de s'origìne de sos datos personales;
 - de sas finalidades e sas modalidades de su tratamentu;
 - de sa lògica aplicada in su casu de su tratamentu fatu cun s'agiudu de sos istrumentos eletrònicos;
 - de sos datos personales de su titolare, de sos responsàbiles e de su rapresentante designadu a sos senso de s'art.3, comma 1, GDPR;
 - de sos suetos o de sas categorias de suetos in ue sos datos personales podent èssere comunicados o chi los podent ischire si sunt rapresentantes designados in su territòriu de s'Istadu, de sos responsàbiles o incarrigados;
- de otènnere:
 - s'aggiornamentu, sa retìfica e integratzione de sos datos;
 - s'eliminatzione e sa trasformatzione de sos datos tratados in violatzione de sa lege, finas cussos in ue est netzessària sa remunida in relazione a sos motivos de sa regorta de sos datos;
 - s'atestatzione chi sas operatziones de sas lèteras a) e b) sunt istadas fatas ischire, finas su contenu issoro, de cussos chi ischint sos datos comunicados, francu in su casu in ue s'acumprimentu est impossibile o cumportat un'usu isproportzionadu de sos mèdios a su deretu tuteladu;
- de si opònnere, a manera completa o in parte pro motivos legìtimos a su tratamentu de sos datos personales issoro, fintzas si sunt serbidos a sa regorta;

In ue si podent aplicare, ant fintas sos deretos de sos artt.16-21 GDPR (Deretu de retìfica, deretu a s'obliu, deretu de limitatzione de tratamentu, deretu a sa portabilitade de sos datos, deretu de opposizione), duncas su deretu de reclamu a s'Autoridade Garante.

Modalidade de esertzìtiu de sos deretos

In cale si siat momentu est possibile esertzitare sos deretos pròpios imbiende:

- una racumandada a/r a sa Regione Autònoma de sa Sardigna, Assessoradu de sa pùblica istrutzione, benes culturales, informatzione, ispetàculu e isport, Direzione Generale de sa Pùblica Istrutzione, Servìtziu Políticas iscolàsticas, Viale Trieste, 186, Casteddu;
- una PEC a su indiritzu: pi.dgistruzione@pec.regione.sardegna.it

Riferimentos e cuntatos de su titolare, responsàbile e incarrigados

A sos senso de su Regulamentu (UE) 2016/679 relativu a sa protetzione de sas pessones físicas cun atenzione a su tratamentu de sos datos personales e duncas a sa tzirculatzione libera de custos datos, su Titolare de su tratamentu est sa Regione Autònoma de sa Sardigna, cun sede legale in Casteddu, Viale Trento 69, Còdighe Fiscale e P.IVA 80002870923, a manera legale rapresentada dae su Presidente pro tempore de sa Giunta Regionale; su delegadu de su Titolare pro su tratamentu de sos datos chi atenant a sos protzedimentos in càrrigu a sa Direzione Generale de sa Pùblica Istrutzione est su Direttore Generale pro tempore, relativu a su Decretu Presidenziale n.48 de su 23 de su mese de maju de su 2018, e-mail: pi.dgistruzione@regione.sardegna.it, pec: pi.dgistruzione@pec.regione.sardegna.it, tel: 070/6064941.

Su Responsàbile pro sa Protetzione de sos datos de sa Regione Autònoma de sa Sardigna, nominadu cun Decretu Presidenziale n.47 de su 23 de su mese de maju de su 2018, podet èssere cuntatadu a custos indiritzos: rpd@regione.sardegna.it, pec: rpd@pec.regione.sardegna.it, tel: 0706065735.